



Clypevs Theologiæ Thomisticæ

Continens Tractatus de attributis, de visione Beatifica, de scientia Dei, ac
de ejus voluntate, & Providentia

Gonet, Jean-Baptiste

Parisiis, 1669

Art. IX. Ex Adversariorum testimoniis ostenditur, doctrinam Thomistarum,
nihil habere cum Ianseniana commercij,

[urn:nbn:de:hbz:466:1-77232](#)

Sed hac opinione demptâ, nihil obstat, immo prorsus veritati consentaneum est, dicere, Christum pro omnibus omnino hominibus mortuum esse, ac sanguinem fudisse; tum quia antecedenti voluntate salutem omnium voluit; tum quia sufficiens pro omnibus pretium obtulit. Falsum autem est, & hereticum, dicere Christum pro salute duntaxat predestinorum mortuum esse, cum mulis reprobis, omnibusque adeò justificatis, gratias tradita à Thomistis notione sufficientes meruerit, quibus ad salutem pervenire possent; quamvis nemo iis bene utatur, & in accepta iustitia perseveret, nisi uberioribus illis & efficacibus auxiliis adjuveret.

ARTICVLVS IX.

Ex Adversariorum testimonio ostenditur, doctrinam Thomistarum, nihil habere cum Janseniana commercij.

Cum teste Novatiano cap. 18. de Trinit. firmum sit genus probationis quod ab Adversariis sumitur, ut veritas etiam ab ipsis inimicis veritatis probetur, non potest melius aut manifestius ostendti, doctrinam Thomistarum de decretis & auxiliis per se efficacibus, nullum cum Janseniana habere commercium; quam recensendo plura Adversariorum testimonia, quibus id ita ingenue profitentur, ut eos conductos credentes in patrocinium & defensionem Thomistarum.

135. In primis enim P. Annatus, unus ex principiis ac illustrioribus Molinac scientiae mediae defensoribus, librum Romæ edidit, cui hunc titulum praefixit: *Iansenius à Thomistis gratia per seipsum efficacis defensoribus condemnatus*, circa quinque propositiones que Roma examinantr, ipsimumque his verbis inchoavit. *Ianseniani Theologi*, seu ut errorem tegant, seu ut in eo periculo in quo versantur, Parres Dominicanos habeant proprios, adulatoriâ quadam simulatione fingunt pugnare se tantum pro gratia physice predeterminante, quam vocant gratiam per seipsum efficacem; nec aliud spectare, quam ut sartatesta sit illa doctrina, pro quo tanta contentione disputationum est, sub duabus Pontificibus, in Congregationibus de Auxiliis; & quia dicuntur id aliquibus persuasissime, interesse puto, tum communis boni veritatis, quam omnes quarimus; tum privata Thomistarum dignitatis, auctoritatisque, quam non expedit in censura damnabilium sententiarum implicari, ut omnes intelligent, precipuos defensores gratia physice predeterminantis, & qui causam illam ardentius egere circa tempora disputationum, coniraria omnino posuisse principia, principis Iansenianis, quod ut spero, Lector adeo perspicue intelliget, ex oppositione doctrine illorum Thomistarum, ad quinque propositiones Iansenij, ut non dubitemus, quin mecum dicturus sit, eos qui tam facile sibi pariuntur imponi à Iansenistis, alterum necessariò Theologiam nescire, nempe vel Thomistam, vel Iansenianam. Deinde toto illo opusculo, varia Thomistarum profert testimonia, quibus evincit Thomisticam doctrinam à Janseniana discrepare plurimum, nihilque adinvicem habere commercij. Idipsum difterè declarat in libro de libertate incoacta, in libro contra Bajanos, & in opusculo cui titulus est: *Informatio de quinque propositionibus ex Iansenij Theologia collectis*, ac demum in libro quem nuper edidit, & cui hunc titulum praefixit, *La conduite de l'Eglise*, in quo decem & octo Thomistas inter &

A Jansenianos insinuat discrimina. Unde plurimum illi debet Schola Thomistica, quod eam à Janseniana sejunxerit; sed plus deberet, si eadem sinceritate, & aequitate, illam nihil cum Calvinistis affinitatis & commercij habere fateretur: nec solum in hoc Scholæ Thomisticae, sed & sibi ipso, ac veritatis consuleret, cum (ut suprà annotavimus) Thomista non possint à Jansenianis distracti, nisi pariter à Calvinistis sejungantur.

Quantum etiam Thomista à Janfenio & Jansenianis distent, differt declarat nuperimus, & celeberrimus Societas scriptor, P. Stephanus Dechamps, libro 2. de heresi Janseniana, disp. 6. cap. 9. his verbis: *Glorientur licet Ianseniani*,

B tot se superi dogmatis patronos habere, quot physica predeterminationis defensores extiterant, vere tamen mihi videor esse dicturus, nullos huic do-
Etrinam infensores repertiri, quam qui post natam Calvini heresim, ex S. Dominici ordine, alisque ejusdem sacramenti Theologis, majoris eruditio-
& ingenii laude floruerunt. Adducitque sigillatim eos, & eorum dicta. Et disp. 3. cap. 3. Quā invīdiōs (inquit) novi dogmatis fautorē queruntur, per Iansenij latus universam S. Dominici familiam peti! Quā impōrūne jactant candem esse utriusque causam, nec illum Tridentina Synodi fulminibus percui posse, quin iisdem physica predeterminationis assertores omnes amburantur!

C Hoc in circulis apud imperitos & mulierculas deblatabant; hoc in publicis Doctorum concertationibus urgent acerrime; hoc in libellis, quo tam frequenter emittunt in lucem, magno verborum appa-
ratu ac pompa, cum omnibus expostrulant. At istud rāmes salutarem omnem superat. & ab iis cum stoma-
acho rideatur, quibus utique opinio nota est atque
perspecta.

Similia habet P. Martinonus in Anti-Jansenio 1373 paginâ 708. ubi haec scribit: *Hanc esse Thomistarum & Iesuitarum causam quā dicunt, errant, vel ipsi Thomistis judicibus. Nulla est ex illis quinque propositionibus ad Summum Pontificem missis, ne eas speciali censurā notare dignetur, quam duo illi Ordines non damnent, & Censurā dignam judi-
cent: nulla, cuius opositum sibi certum esse non profiteantur: nulla denique, quam utriusque familiæ Theologi, quotquot de his rebus scripserunt, non graviter insectati sint. Item paginâ 131. profletur gratiam efficacem, quam docent Thomistæ, non necessitate voluntatem, sicut eam quam admittit Iansenius: Si falsum est (inquit) D. Augustinum docuisse gatiam necessitate voluntatem, & amissam esse libertatem indifferentia, consequens est, iuxta confessionem Adversarij, sententiam de electione & reprobatione independenter à prescientia operum, esse alienam à mente D. Augustini. Atqui evidens est, ut alibi ostendimus, Augustinum non ita docuisse, ut neque ullum alium Doctorem Catholico ante Iansenium: ne ipsos quidem assertores physica predeterminationis, qui nihilominus volunt gratiam non inferre necessitatem voluntatis, sed salvam manere libertatem indifferentia, qua non periit per peccatum originale, derelictantur; doctrinam contrariant, ut errore Lutheri in libro de servio arbitrio, & Calvini libro 2. Instit. cap. 2. & 3. damnatum à Tridentino sess. 6. cap. 5. & can. 4. & 5.*

His adjungo Stubrochium in notis in primam Pauli Irenæi disquisitionem, ubi illi respondens, haec habet: *Multa effundis, vel effutis ab una & heterodoxa, v. g. Iansenium recte sensisse, ac unam duntaxat gratie efficacis assertionem ab illo astrui: Thomistica, inquis, fallaris ex ipsis Iansenij confessione. At (inquis) Innocentius & viva*

SEV CALVINISMI ET IANSENISMI DEPVLSIO.

361

vix vociis oraculo, & scripto, declaravit, se questionem de auxilio non attigisse. Sed quid hec ad errores & heresies Iansenij? frustra enim Thomistis vestris partibus accensetis, qui vos ut damnatos hereticos rejicunt. Et infra. Jesuca rem sius modo explicant, Thomiste suo: utroque licito, & Catholico. Vos neutrum sequiri estis: non Iesuiticum, quem herretis: non Thomisticum, quia Thomiste constanter afferunt errare Iansenium, & ab ipsis non stare Calvinianum igitur modum tenetis, ac proinde prorsus hereticum.

139. Non est etiam pretermittendus Martinez de Ripalda: Ille enim Tomo adversus articulos Michaëlis Baij, à Pio V. & Gregorio XIII. damnatos, pluribus in locis asserti, longe diversam esse Bajanorum & Thomistarum doctrinam, frustraque Bajanos, seu Jansenianos, in sui tutelam eos sibi patronos advocare. Nam libro 2. disp. 14. scđt. 5. sic ait: Falluntur aperiè, qui assertores physicae prædeterminationis à Bajanis non dividunt, & fallunt Bajani volentes persuadere suam ab eorum sententia non esse diversam. Quod manifestum erit productis in lucem discriminibus, quibus eorum sententia à Bajana discordit. Et mox quatuor inter Bajanorum & Thomistarum doctrinam assignat discrimina, inter quae secundum & præcipuum est, quid Bajani ingenuè admittunt per gratiam induci necessitatem antecedentem ad operandum, & eam non repugnare libertati, quia libertas soli repugnat coactioni, atque violence. Prædeterminationes vero renuntiunt induci per gratiam efficacem necessitatem antecedentem, sed solam consequentem; libertatique afferunt contrariam, non solum coactionem, sed etiam antecedentem necessitatem. Quippe potestas antecedens agendi bonum, à Bajanis solum afferitur constituta per gratiam intrinsecè efficacem, & determinantem ad agendum inevitabilem necessitatem voluntatem. A Prædeterminatoribus vero afferitur constituta per gratiam sufficiemt, & indifferentem ad non agendum seorsim à gratia intrinsecè efficacem, quæ non pertinet ad posse agere, sed ad actualem actionem; quia ejus munus & effectus formalis non est redire arbitrium potens, & sufficiens operari bonum, sed applicare & facere ut ejus potestas & sufficientia reducatur ad actum. At necessitate antecedenti ad consentiendum seclusa, rectius possunt Prædeterminatores rueri potestatem liberam dissentendi gratia, quam Bajani; cum necessitas antecedens consentiendi, potestatem dissentendi removat; necessitas enim consentiendi, dissuadet potestatem dissentendi; ubi enim potestas dissentendi est, non videtur esse consentiendi necessitas. Item disp. 15. scđt. 15. refert plurius Thomistarum testimonia, quibus indifferentiam ad libertatem necessitatem esse afferunt, tandemque sic concludit: Ex his constat Bajanos à Thomistarum sententia distare in tradenda definitione & conditione libertatis. Quippe Thomista constantissime tuerunt, libertatem non posse cum necessitate antecedenti componi, & vindicare indifferentiam potestatis ad utrumque, demptaque potestate ad utrumque indifferenti, admissi libertatem. Bajani vero, libertatem cum necessitate antecedenti conjungunt, & indifferentiam potestatis ad utrumque, necessitatem ad libertatem, instanter explodunt, & absque potestate ad utrumque indifferenti, voluntatem humanam mereri & demererit posse, tuerunt; nec ad hanc libertatem aliam conditionem desiderant, quam voluntariam & spontaneam, qualis competit dilectioni necessaria.

Tom. I.

A rie Dei. A quo Thomiste procul recedunt. Vnde frustra Bajani in sui tutelam eos sibi advocant Patronos.

Denique eisdem veritatis testem appello illustrissimum Caramuelem, Satrianensem, & Campaniensum Episcopum: ille enim in Theologia fundamentali cap. 1. fundamento 1. respondens ad primam objectionem, sic ait: *Ad primam repondeo, assignando disparitatem inter Thomistarum & Iansenistarum opinionem: illa enim est probabilissima, & ut talis ab Ecclesia sepissime approbata: hoc autem à multis Pontificibus reiecta, & tandem ab Innocentio X. heresio condemnata: & hoc sufficit, ut altera defendatur, & altera non defendatur. Et infra Thesi 3. notabili 2.*

B Ianseniani (inquit) non debent accenseri Thomistis, isti enim (etiam quando loquuntur severissime) negant in sensu diviso necessitatem, quod probabilitate sufficit ut salvetur libertas. At Ianseniani in omni sensu necessitatem protrudunt, & re sublatâ, retinent merum libertatis vocabulum. Tantam ergo habentes impositam nubem testium, nemo prudens & sapiens potest Thomistis Jansenistum objicere, cuius præcipua in cursu hujs operis fundamenta convellemus; & totam ferè Jansenij doctrinam, Thomisticae Scholæ principiis repugnare demonstrabimus. Interim placet hic brevem tabellam exponere, ex qua quinque propositiones ab Innocentio X. proscriptas, fuisse pariter à D. Thoma tribus ante facultis damnatas, manifestum erit.

ARTICVLVS X.

*Quinque propositiones à Summo Pontifice
Innocentio X. damnatae, juxta
doctrinam D. Thome.*

Propositio I. *Aliqua Dei precepta hominibus iustis, volentibus, & conantibus, secundum presentes quas habent vires, sunt impossibilia: deest quoque illis gratia, quæ possibilia siant.*

D. Thomas qu. 24. de verit. art. 14. ad 1. Illud quod precipit Deus, NON EST IMPOSSIBILE HOMINI AD SERVANDUM. Quodlibet 2. art. 6. Nullus tenetur ad hoc quod est supra vires suas, nisi per modum quod FIT SIBI POSSIBILE. In 2. dist. 28. art. 3. in 1. arguento sed contra, Hieronymus ait, Qui Deum dicit PRÆCIPERI IMPOSSIBILIA, anathema sit. Et in 2. arguento, Deus non est magis crudelis quam homo: sed homini imputatur in crudelitatem, si obligat aliquem per præceptum, AD ID QUOD IMPLERE NON POTEST: Ergo hoc de Deo nullo modo est estimandum.

Propositio II. *Interiori gratie in statu naturæ lapsæ nunquam resistitur.*

D. Thomas prima ad Thessalonicenses cap. 5. lecit. 2. *Aliquis dicitur extingui spiritum in se, vel in alio, cum alius aliquid boni ex fervore Spiritus sancti vult facere; vel etiam cum aliquis bonus motus in ipso surgit, ET IPSE IMPEDIT: Actorum 7. Vos semper Spiritui Sancto resistitis. Quibus verbis aperte agnoscit S. Doctor, in statu naturæ lapsæ gratiam aliquam interiore movente, cui resistitur. Similiter aliis in locis admittit auxilium quod homo non uitur, & quod in vanum recipit: ait enim 2. ad Corinth. cap. 6. lecit. 1. Quicunque GRATIA RECEPTA NON UNTITUR ad vitandum peccata, & consequendam vitam eternam, hic gratiam Dei in vanum recipit, Et 1. 2. qu. 106. art. 2. ad 2. Si quis post acceptam gratiam novi Testamenti peccaverit, majori pena est dignus, tanquam majoribus beneficiis ingratus,*

Z z